



Chistiona su Sardu!

Letzione N.1 Presentada

Sa limba faeddada

Su contu e su chistionu

Sa diferèntzia manna intre monòlogu e diàlogu est chi in su diàlogu b'at totu una variedade de isfumaduras diferentes chi in su monòlogu non podent èssere rapresentadas. Mentras su monòlogu, o unu contu pro nàrrere, solet èssere uniforme, in su chistionu tenimus interietziones e modos de nàrrere chi abbivant s'allega.

In s'esèmpiu chi sighit - unu cartone animadu in limba originale, ma cun faeddos iscritos in sardu - amus a bìdere e intèndere diàlogos e contados impare. Notades sas diferèntzias.

Su gatu supertitziosu

In su cartone animadu su sardu est istadu impreadu pro traduire dae sa limba inglesa. Ammentade-bos chi sa limba sarda est una limba moderna e chi bi sunt medas òperas literàrias - fintzas internatzionales - iscritas e bortadas in sardu.

Nde podides iscarrigare de badas dae su situ de sa Regione Autònoma de sa Sardigna. Labae sos ligòngios:

òperas originales

òperas clàssicas traduidas

Sa limba iscrita

S'atzentu

S'atzentu gràficu in sardu est semper grae e cheret marcadu in sas vocales in ue ruet s'atzentu tònicu, francu in sa penùrtima. Pro nàrrere:

mannu fìgiu vostè àudiu